

Na osnovu Odluke o raspisivanju Javnog poziva za finansiranje/sufinansiranje projekata i manifestacija koje doprinose promociji Grada Bihaća i obogaćivanju turističke ponude u gradu Bihaću (broj: 03-06/26 od 17.03.2026.godine) i Saglasnosti Nadzornog odbora Turističke zajednice Grada Bihaća (broj: 01-40/26 od 23.03.2026.godine) Turistička zajednica Grada Bihaća, dana 25.03.2026. godine, objavljuje:

**JAVNI POZIV
za finansiranje/sufinansiranje projekata i manifestacija koje doprinose
promociji Grada Bihaća i obogaćivanju turističke ponude u gradu Bihaću**

I. Predmet Javnog poziva

Predmet Javnog poziva je dodjela sredstava Turističke zajednice grada Bihaća (u daljem tekstu: TZ Bihać) na osnovu Programa rada sa finansijskim planom Turističke zajednice Grada Bihaća za 2026.godinu (broj.01-30/26 od 09.03.2026.godine) pod nazivom: „*Podrška udruženjima pri promociji grada Bihaća na nacionalnim i internacionalnim takmičenjima i događanjima*“ i „*Podrška manifestacijama od značaja za Grad Bihać i udruženjima koji svojim radom utječu na promociju grada Bihać*“ **u ukupnom iznosu od 30.000,00 KM.**

Pravo na dodjelu sredstava imaju **neprofitne organizacije/udruženja** koja prema rješenju o upisu u registar obavljaju djelatnost koja je u skladu sa prioritetnim područjima ovog Javnog poziva koja su registrovana za obavljanje turističke i/ili djelatnosti organizacije manifestacija i događaja sportskog i kulturno-zabavnog karaktera.

II. Prihvatljivi i neprihvatljivi troškovi

Odobrena finansijska sredstva korisnik je dužan utrošiti isključivo za realizaciju prijavljenog projekta ili manifestacije. Sredstva se smatraju namjenski utrošenim ako su korištena isključivo za finansiranje prihvatljivih i opravdanih troškova utvrđenih finansijskim planom i budžetom projekta ili manifestacije. Svako odstupanje od finansijskog plana, odnosno budžeta projekta ili manifestacije, smatrat će se nenamjenskim trošenjem sredstava.

Neprihvatljivim troškovima smatraju se: troškovi redovnog poslovanja prijavitelja (plate, naknade članovima i sl.), tekući uredski troškovi, dugovi i stavke za pokrivanje gubitaka ili dugova, dospjele kamate na kredite, carinske i uvozne takse, troškovi najma i kupovine vozila, zajmovi trećim stranama, kupovina zemljišta ili građevina, troškovi reprezentacije, hrane i alkoholnih pića.

III. Prioritetna područja finansiranja/sufinansiranja

Prioriteti finansiranja/sufinansiranja moraju biti usmjereni na projekte i manifestacija koje doprinose promociji Grada Bihaća i obogaćivanju turističke ponude u gradu Bihaću.

Prijavitelji na ovaj Javni poziv dostavljaju prijave iz sljedećih prioritetnih područja:

1. Podsticanje razvoja turističke infrastrukture

- 1.1. Očuvanje i stvaranje prepoznatljivog i privlačnog turističkog ambijenta;
- 1.2. Obnova, uređenje i aktiviranje područja grada Bihaća koja su nedovoljno uključena u turistički promet.

2. Kultura i kulturno historijsko i prirodno naslijeđe

- 2.1. Promocija kulturno-historijskog i prirodnog naslijeđa;
- 2.2. Manifestacije od kulturnog, sportskog i umjetničkog značaja koje doprinose obogaćivanju turističke ponude i privlačenju turista.

3. Unapređenje cjelovite turističke ponude

- 3.1. Podizanje kvaliteta turističkih usluga;
- 3.2. Razvoj i unapređenje posebnih oblika turizma;

3.3. Stvaranje novih inovativnih turističkih proizvoda.

Prijavitelji na ovaj Javni poziv mogu podnijeti samo jednu prijavu u skladu sa naprijed navedenim prioritetnim područjima finansiranja/sufinansiranja, odnosno sredstva TZ Bihać mogu biti odobrena samo za jedan projekat ili manifestaciju istog prijavitelja. Ukoliko je prijavitelj već ostvario finansijska sredstva od strane TZ Bihaća u 2026. godini po bilo kojem osnovu takva prijava neće se uzeti u razmatranje.

IV. Minimalan i maksimalan iznos sredstava koja se mogu dodijeliti

Minimalan iznos sredstava koja se mogu dodijeliti po jednoj prijavi u okviru prioritetnih područja iz člana III. ovog Javnog poziva je **1.000,00 KM** (slovima: jedna hiljada KM), a maksimalan **5.000,00 KM** (slovima: pet hiljada KM).¹

TZ Bihać zadržava pravo da ne dodijeli sva dostupna finansijska sredstva u okviru pozicije iz člana I. Javnog poziva ukoliko po Javnom pozivu ne bude zaprimljen dovoljan broj kvalitetnih prijava, odnosno, prijava koje zadovoljavaju kriterije ovog Javnog poziva.

V. Pravo učešća

Pravo na dodjelu sredstava putem Javnog poziva mogu ostvariti prijavitelji koji ispunjavaju sljedeće opće uslove:

- da su osnovani i registrovani u Bosni i Hercegovini i da na području grada Bihaća imaju sjedište ili drugi organizacioni oblik,
- da je odgovorno lice prijavitelja državljanin Bosne i Hercegovine,
- da ne obavljaju aktivnosti u ime političkih partija,
- da se njihove prijave na ovaj Javni poziv odnose na prioritetna područja iz ovog Javnog poziva;
- da im je registrovana djelatnost u skladu sa prioritetnim područjima finansiranja/sufinansiranja u okviru koje će realizovati svoje aktivnosti i
- da svoje aktivnosti realizuju na području grada Bihaća.

Izuzetno, sredstva se mogu dodijeliti i za aktivnosti koje se realizuju izvan područja grada Bihaća, ukoliko značajno doprinose turističkoj promociji grada, a što je prijavitelj na Javni poziv obavezan opisati u Prijavnom obrascu iz tačke VII. Javnog poziva, i u slučaju odobrenih sredstava dokazati u Finansijskom i narativnom izvještaju – ***Obrzac 4***, koji se može preuzeti na zvaničnoj internet stranici TZ Bihać (<https://www.visitbihac.com>).

Sredstva se mogu dodijeliti i prijaviteljima sa sjedištem izvan grada Bihaća, a koji su registrovani na području Bosne i Hercegovine, samo u slučaju ako je realizacija projekta ili manifestacije od interesa za grad Bihać i ima izuzetan turistički značaj za grad, pod istim uslovima koji su navedeni u prethodnom stavu ovog člana Javnog poziva.

VI. Ko ne može učestvovati u ovom Javnom pozivu

Na ovaj Javni poziv **ne mogu** se prijaviti fizička lica, kao ni subjekti koji imaju status privrednog društva (d.o.o.), javne ustanove i javnog preduzeća.

VII. Prijavna dokumentacija

Prijava na Javni poziv podnosi se na propisanom Prijavnom obrascu koji je objavljen na zvaničnoj internet stranici TZ Bihać (<https://www.visitbihac.com>)

Prilikom prijave na Javni poziv, prijavitelji su obavezni dostaviti sljedeće:

¹ Prijavitelji na ovaj Javni poziv mogu od TZ Bihaća tražiti finansijska sredstva za organizaciju i realizaciju svojih aktivnosti **isključivo u utvrđenom rasponu od 1.000,00 KM do 5.000,00 KM.**

1. Elektronski popunjen Prijavni obrazac (**Obrazac 1**)²;
2. Rješenje o registraciji kod nadležnog organa;
3. Rješenje o posljednjem upisu promjena podataka, izmjena ili dopuna prvobitnog Rješenja o registraciji kod nadležnog organa, ukoliko su vršene izmjene i/ili dopune
4. Uvjerenje o registraciji poreznog obveznika (Identifikacioni broj);
5. Detaljno razrađen Finansijski plan za realizaciju projekta ili manifestacije, potpisan i pečatiran od strane odgovornog lica (pregled budžeta i plan potrošnje sa specifikacijom troškova potrebnih sredstava) – (**Obrazac 2**);
6. Kopija lične karte ili Uvjerenja o državljanstvu odgovornog lica;
7. Završni godišnji finansijski izvještaj za prethodnu godinu sa pečatom AFIP-a (bilans stanja i bilans uspjeha) - **original ili ovjerena fotokopija**;
8. Podatke o stručnosti lica angažovanih za potrebe provedbe projekta ili manifestacije (kraći CV);
9. Zvaničan dokument banke o otvaranju transakcijskog računa;
10. Dokaz o pribavljenim saglasnostima ili dozvolama neophodnim za izvođenje projektnih aktivnosti koje se odnose na turističku infrastrukturu³ i
11. Lista za provjeru (**Obrazac 3**).

Prijavitelj uz prijavu dostavlja fotokopije tražene dokumentacije (osim dokumentacije iz tačke 7. prethodnog stava **koja mora biti u originalu ili ovjerenoj fotokopiji**, u skladu sa uslovima Javnog poziva. Ukoliko prijavitelj dostavlja ovu dokumentaciju u formi ovjerene fotokopije, **ovjerena fotokopija ne smije biti starija od 30 dana od dana objave Javnog poziva**, a originalni dokumenti po potrebi će biti zatraženi na uvid ukoliko sredstva budu odobrena.

Nepotpuna dokumentacija i dokumentacija dostavljena izvan predviđenog roka, neće se uzeti u razmatranje.

Prijave prijavitelja na Javni poziv koji se nalaze u bilo kojoj od niže navedenih kategorija neće se uzeti u razmatranje:

- a) koji su u 2026. godini već bili korisnici sredstava TZ Bihać;
- b) čije su aktivnosti usmjerene na promociju političkih stranaka i političkih uvjerenja, rasizma, fašizma i kršenja zakonom zagarantovanih ljudskih prava i sloboda;
- c) koje su namijenjene za isključivu dobit pojedinca;
- d) koji ne izmiruju zakonske obaveze prema Gradu Bihaću;
- e) čije aktivnosti nisu u skladu sa prioritarnim područjima iz člana III. ovog Javnog poziva.

VIII. Osnovni kriteriji za ocjenu i odabir

Prijavljeni projekti i manifestacije će se vrednovati na osnovu sljedećih kriterija:

1. **Usklađenost projekta sa ciljevima Javnog poziva** (u kojoj mjeri projekat/manifestacija doprinosi promociji Grada Bihaća i obogaćivanju turističke ponude)
2. **Kvalitet i jasnoća projektnog prijedloga** (jasno definisani ciljevi, aktivnosti, ciljane grupe, očekivani rezultati i vremenski okvir realizacije)
3. **Značaj i uticaj projekta** (doprinosi povećanju broja posjetitelja, unapređuje turističku ponudu i jača imidž Bihaća kao turističke destinacije)
4. **Vidljivost i promocija projekta** (planirane promotivne aktivnosti i doprinos promociji brenda Visit Bihać kroz različite kanale komunikacije)
5. **Inovativnost i kreativnost** (stepen originalnosti ideje i uvođenje novih sadržaja ili pristupa u turističkoj ponudi)

² Prijavni obrazac se popunjava isključivo elektronski/na računaru, prijave ispunjene na drugi način neće biti uzete u razmatranje.

³ Za sve aktivnosti prijavitelja koje se odnose na razvoj i unapređenje turističke infrastrukture potrebno je dostaviti prethodne saglasnosti ili dozvole za izvođenje projektnih aktivnosti iz Prijavnog obrasca - ukoliko su neophodne, kao npr. urbanistička ili građevinska saglasnost ili dokaz o nepostojanju obaveze za pribavljanjem prethodnih saglasnosti i slično.

6. **Financijska opravdanost i realnost budžeta** (Realno planirani troškovi u odnosu na planirane aktivnosti i očekivane rezultate)

IX. Provođenje Javnog poziva

Postupak po ovom Javnom pozivu provodi tročlana Komisija za ocjenu ispunjavanja kriterija za dodjelu sredstava i odabir.

Samo prijave koje budu ocijenjene sa 30 i više bodova mogu biti financirane/sufinancirane od strane TZ Bihać, s obzirom da prijavitelji sa nižim brojem bodova ne zadovoljavaju postavljene standarde.

Komisija zadržava pravo da odabranom prijavitelju dodijeli sredstva u manjem iznosu od iznosa kojeg prijavitelj potražuje od TZ Bihać, a u skladu sa kriterijima i mjerilima za ocjenjivanje i odabir koje utvrđuje Komisija, cijeneći turistički značaj prijavljenog projekta ili manifestacije.

X. Period realizacije aktivnosti odabranih prijavitelja

Aktivnosti odabranih prijavitelja po ovom Javnom pozivu moraju biti realizovane u periodu od dana potpisivanja Ugovora do 31.12.2026.godine.

XI. Mjesto i rok dostave prijava na Javni poziv

Prijave na ovaj Javni poziv sa pratećom dokumentacijom prijavitelji dostavljaju u zatvorenoj koverti preporučenom poštom ili se predaju lično u kancelarije Turističke zajednice Grada Bihaća, na adresi:

TURISTIČKA ZAJEDNICA GRADA BIHAĆA

Ulica 5.Korpusa br.2

77 000 Bihać

„Javni poziv za finansiranje/sufinansiranje projekata i manifestacija koje doprinose promociji Grada Bihaća i obogaćivanju turističke ponude u gradu Bihaću“

-NE OTVARATI-

Javni poziv je otvoren **12 dana** od dana objave Javnog poziva na službenoj stranici TZ Bihać, a krajnji rok za predaju prijava je **06.04.2026. godine (ponedjeljak) do 16.00 sati.**

Prijave koje budu pristigle poslije navedenog roka razmatraće se jedino u slučaju da poštanski žig ukazuje na datum slanja prije zvaničnog isteka roka.

Prijave poslane na bilo koji drugi način (npr. faksom i e-mailom) **neće biti uzete u razmatranje.**

Vanjska strana koverta mora sadržavati naziv Javnog poziva i naznaku **„NE OTVARATI“.**

XII. Način objavljivanja rezultata

Na osnovu ocjene prijava na Javni poziv i ostvarenom broju bodova iz pojedinačnih obrazaca za ocjenjivanje prijavitelja, Odluka o odabiru projekata, programa ili manifestacija sa planom raspodjele sredstava će se donijeti najkasnije u roku od **7 radnih dana** od dana zatvaranja ovog Javnog poziva.

Rezultati Javnog poziva, odnosno rang-lista projekata ili manifestacija kojima su odobrena finansijska sredstva, kao i iznosi odobrenih sredstava po korisniku, biće objavljeni na zvaničnoj internet stranici TZ Bihać (<https://www.visitbihac.com>) najkasnije u roku od **7 radnih dana** od dana donošenja Odluke iz prethodnog stava.

Turistička zajednica Grada Bihaća će sa odabranim korisnicima zaključiti ugovore kojim će se regulisati međusobna prava i obaveze u pogledu dodjele i načina korištenja sredstava na ime finansiranja/sufinansiranja odobrenih projekata ili manifestacija.

Sve dodatne informacije o načinu i postupku učešća u Javnom pozivu mogu se dobiti u Turističkoj zajednici Grada Bihaća, slanjem pitanja na e-mail adresu tzbihac@gmail.com ili na broj telefona **037 963 456**